

Kabinet setuju 'bapa ayam' dihukum sebat

U.M. 16 JUL 1957
KUALA TERENGGANU 15
Julai — Kerajaan akan
mengenakan hukuman yang
lebih berat termasuk hukum-
an sebat terhadap mereka
yang menjadi agen atau ber-
tindak sebagai 'bapa ayam'
dalam kegiatan melarikan
wanita belasan tahun untuk
tujuan maksiat.

Perdana Menteri, Dato' Sri

Dr. Mahathir Mohamad ber-
kata hari ini, hukuman lebih
berat yang akan dikenakan
adalah setimpal dengan kesā-
lahan yang dilakukan.

Katanya, untuk itu keraja-
an akan kaji dan buat pindaan
terhadap undang-undang
yang sedia ada bagi membo-
lehkan hukuman berat
dikenakan terhadap mereka
yang terbabit.

"Kita berpendapat orang-
orang yang membuat kerja
ini, yang menjadi agen ('bapa
ayam'), mendapati hukuman
yang dikenakan terhadap me-
reka agak terlalu ringan,"
katanya.

Beliau menyatakan demiki-
an pada sidang akhbar sele-
pas mempengerusikan Me-
syuarat Mingguan Kabinet di

Wisma Darul Iman, di sini,
hari ini.

Dr. Mahathir berkata, Ka-
binet mengambil keputusan
tersebut setelah menerima la-
poran daripada Kementerian
Perpaduan Negara dan Pem-
bangunan Masyarakat me-
ngenai kehilangan wanita
yang semakin menjadi-jadi
sekarang.

Siasatan kementerian men-
dapati purata tiga orang wani-
ta dilaporkan hilang di selu-
ruh negara setiap hari dan
adalah dipercayai mereka ini
telah diugut oleh orang-orang
tertentu.

"Majoriti yang menjadi
mangsa terdiri daripada wani-
ta Melayu berusia lingkungan
belasan tahun," katanya.